

Uunga siunnersuut: Uumasunik aalajangersimasunik uumasuuteqaqqusinningineq pillugu Namminersorlutik Oqartussat nalunaarutaat nr. xx, xxx 2019

Uumasunik illersuineq pillugu Inatsisartut inatsisaanni nr. 25, 18. december 2003-meersumi § 6-imi, imm. 4 kiisalu Uumasut nappaataannik inunnut tunillaassorsinnaasunik taakkulu akui-nik siaruaassinnaasunik akiuiniarneq pillugu Inatsisartut inatsisaat nr. 12, 6. juni 2016-imeer-sumi § 4 kingullermik Uumasut nappaataannik inunnut tunillaassorsinnaasunik taakkulu akui-nik siaruaassinnaasunik akiuiniarneq (Uumasooqatigiinnik eqqussinerup malittarisassaqaartita-nera) pillugu Inatsisartut inatsisaat nr. 22, 28. november 2016-imeersukkut allanngortinneqar-toq naapertorlugit aalajangersarneqarput:

Attuuffia

§ 1. Nalunaarut manna nammineq uumasuuteqartunut aamma uumasunik eqqussuinnermut kiisalu inuussutissarsiutigalugu uumasuuteqarnermut uumasunillu eqqussuinnermut atuuppoq.

Uumasunik aalajangersimasunik uumasuuteqarnissamut inerteqqut

§ 2. Uumasooqatigiit ilanngussaq 1-imi taaneqarsimasut, uumasunut oqartussanit immikkut akuersissutitaqanngitsunik uumasuutigineqarsinnaapput.

Imm. 2. Imm. 1-imi aalajangersagaq apeqqutaatinnagu kommunimit najugarisamit uuma-suuteqarnissamut akuersissut piniarneqassaaq.

§ 3. Uumasooqatigiit ilanngussaq 2-mi taaneqarsimasut, qaqugumulluunniit Kalaallit Nunaannut eqqussuunneqarnissaat imaluunniit uumasuutigineqarnissaat inerteqqutaavoq.

§ 4. Uumasunik ilanngussaq 1-imi imaluunniit 2-mi taaneqarsimannngitsunik eqqussuinnermi imaluunniit uumasuuteqarnermi uumasunut oqartussanit akuersissuteqartoqartariaqarpoq.

Imm. 2. Uumasunut oqartussat akuersissut tunniunneqartinnagu imm. 1 naapertorlugu uumasuuteqarnissamut piunasaqaatinik immikkut ittunik aalajangersaasinnaavoq.

Piunasaqaatit taama ittut ilaatigut makkuusinnaapput:

- 1) Piuneeutsitsineq aamma piaqqiortitsinissamut inerteqqut.
- 2) Akiuussutissaliineq.
- 3) Allanut akuliuteqqusaannginneq.
- 4) Nerukkaatissanik qulakkeerinninneq.
- 5) Uumasut inaannik, nersutaasivinnik assigisaanillu aqqissuussineq.
- 6) Peqqissuseq aamma uumasooqatigiit apeqqutaatillugit atugarissaarnissamut ikiorsiinerit.
- 7) Kingoqqivimmuteq aamma peqqissutsimut uppernarsaat.
- 8) Peqqussutigalugu piginnittup isumagissagaa, uumasuutigisap uumasup nakorsaanit misis-sorneqarnissaa aamma katsorsarneqarnissaa aamma pisariaqartinneqartumut tassunga ani-ngaasartuutit akilerneqarnissaat.

Imm. 3. Uumasunut oqartussaasoq imm. 1 malillugu uumasuuteqarnissaq pillugu qinnuteqaammik itigartitsisinnaavoq:

- 1) oqartussaasuusoq naliliippat uumasooq illersorneqarsinnaasumik Kalaallit Nunaanni paariluarneqarsinnaanngitsoq,
- 2) uumasooq uumasut nappaataannik inunnut tunillaassorsinnaasunik ulorianartorsiortitsippat,
- 3) uumasooq maani inunnut najugaqartunut aamma uumasunut ajoqusiisinnaasoq imaluunniit akornusiisinnaasoq, imaluunniit
- 4) uumasunut oqartussaasoq isumaqarpat, imm. 2 naapertorlugu piunasaqaatit naammassineqarsinnaanerit imaluunniit naammassineqarnissaat qularnarunnaarsimanngitsoq.

§ 5. Inuit piffissami nalunaarutip matuma atuutilerfiani akuerineqarsimallutik ilanngussaq 2-mi taaneqartunik ataatsimik imaluunniit arlalinnik uumasuutillit, taakku uumasuutitik pigiinnarsinnaavaat:

- 1) Kalaallit Nunaanni uumasunut oqartussanit imaluunniit danskit inuussutissalerinermut aqutsisoqarfianit akuersissummik peqarunik,
- 2) uumasooq nalunaaqutserneqarsimappat, chip-ilerneqarsimappat, assigisaanilluunniit, taamaasilluni qaqugukkulluunniit ajornaatsumik kia pigineraa paasineqarsinnaappat, aamma
- 3) iliuuseqartoqarsimappat, uumasooq kinguaassiorsinnaajunnaarlugu.

§ 6. Inuit § 4 imaluunniit § 5 naapertorlugu uumasunut oqartussanit imaluunniit danskit inuussutissalerinermut aqutsisoqarfianit akuersissummik peqarlutik uumasuutillit uumasuutiminnik allanut tunniusseqqusaanngillat, taamaattorli imm. 2 takujuk.

Imm. 2. Uumasunut oqartussat akuerisinnaavaat uumasooq uumasunut oqartussanit imaluunniit danskit inuussutissalerinermut aqutsisoqarfianit akuersissummik peqarluni uumasuutigineqartoq anillaanneqarsinnaasoq imaluunniit uumasuusivinnut akuerineqarsimasunut tunniunneqarsinnaasoq. Annissinissamut akuersissuteqarnissamut piunasaqaataavoq, peqatigitillugu danskit inuussutissalerinermut aqutsisoqarfianiit annissinissamut akuersissutip piniarneqarnissaa.

§ 7. Nalunaarut taanna naapertorlugu uumasunut oqartussat immikkut akuersissuteqarsinnaapput, ukununga:

- 1) Cirkus.
- 2) Uumasuusivissuit.

Imm. 2. Uumasunut oqartussat immikkut akuersissuteqarnermut piunasaqaatigisinnaavaat § 4-mi, imm. 2-mi piunasaqaatit allassimasut assingi naammassineqarsimassasut.

Imm. 3. Imm. 1 malillugu immikkut akuersissutit uumasunut oqartussanit piffissami killeqartuutinneqarsinnaapput.

Aningaasartuutit akilerneqarneri

§ 8. §§ 4-7-imut atatillugu aningaasartuutit akilerneqarnissaat uumasunut oqartussanut attuumassuteqanngilaq.

Peqqusinerit aamma iliuuseqaqqusinerit

§ 9. Uumasumik piginnittoq uumasunut oqartussanit peqquneqarsinnaavoq, nalunaarummut matumunnga naapertuutinngitsumik uumasuutigisaq toqunneqassasoq aamma piginnittumut akiligassanngortillugu pissutissaqanngitsumik uninngatinnagu uumasooq piioneerutsinneqarluni.

Imm. 2. Imm. 1 malillugu peqqusineq piginnittumit naalanneqanngippat, uumasooq uumasunut oqartussanit toqutsinneqarsinnaavoq piioneerutsinneqarlunilu piginnittumut akiligassanngortillugu.

Imm. 3. Uumasunut oqartussat allanut piginnaatitsisinnaapput imm. 2 naapertorlugu toqutsinissaq aamma piioneerutsinissaq isumageqqullugu.

§ 10. § 3-mi, § 4-mi, imm. 1-imi aamma 2-mi, § 5-imi, § 6-imi, imm. 1-imi, § 7-imi, imm. 2-mi, § 9-mi, imm. 2-mi aalajangersakkat naapertorlugit piimasaqaatinik unioqqutitsisoq imaluunniit malinninngitsoq akiliisitsinermik pineqaatissinneqassaaq.

Imm. 2. Imm. 1 naapertorlugu unioqqutitsinerit akiliisitsinermik pineqaatissinneqassapput, inatsimmi immikkut allamik tunngavissaqarluni pineqaatissiissut sakkortunerusoq atorneqartariaqartoq isumaqartoqanngippat.

Imm. 3. Kalaallit Nunaanni pinerluttulerinermut inatsimmi maleruagassat malillugit inuit inatsisitigut piginnaatitaasut pineqaatissinneqarsinnaasut.

§ 11. 10 malillugu akiliisitsinerit Nunatta Karsianut nakkartinneqassapput.

Atuutilerfia

§ 12. Nalunaarut ulloq xx.xxx 2019-imi atuutilerpoq.

Namminersorlutik Oqartussat, ulloq xx.xx. 2019

Nikolas Jeremiassen

/

Jørgen I. Olsen